

Ordinaziun davart il servetsch psicologic da scola en il chantun Grischun

sa basond sin l'art. 6 da la lescha da scola ¹⁾ e sin l'art. 7 da la lescha da scolina ²⁾

relaschada dal cussegl grond ils 27 da matg 1993 ³⁾

Art. 1

¹ Il servetsch psicologic da scola cusseglia en il senn da l'agid per gidar Intent
sasez ils geniturs, las mussadras, las persunas d'instrucziun, ils uffants ed
ils giuvenils sco er las cumissiuns da scolina, ils cussegls da scola e las
instituziuns da l'agid per uffants e per giuvenils per superar problems da
scola e d'educaziun.

² Ultra da l'agid en il cas singul collavura il servetsch psicologic da scola
era en connex cun la prevenziun da difficultads d'emprender, da
cumportament e d'educaziun.

Art. 2

Il servetsch psicologic da scola ha ils suandants duairs:

Incumbensas

- a) da sclerir las dumondas e da cusseglar en connex cun problems da
scolarizaziun;
- b) da sclerir las dumondas en connex cun difficultads d'emprender, da
prestaziun e da cumportament d'uffants e da giuvenils;
- c) da cusseglar en il cas singul ils geniturs, las mussadras e las persunas
d'instrucziun en dumondas da scola e d'educaziun;
- d) da cusseglar las persunas d'instrucziun en connex cun problems
d'educaziun e da direcziun considerabels che pertutgan la classa, e
quai en collavuraziun cun il cussegl da scola e cun l'inspecturat da
scola cumpetent;
- e) da prevegnir a difficultads d'emprender, da cumportament e
d'educaziun en il rom d'ina furmaziun dals geniturs e da la lavur
publica;
- f) da gidar pedagogicamain e psicologicamain en connex cun
difficultads d'emprender, da prestaziun e da cumportament;
- g) da cusseglar las cumissiuns da scolina ed ils cussegls da scola;

¹⁾ ussa art. 10 da la lescha da scola, DG 421.000

²⁾ DG 420.500

³⁾ M dals 9 da favrer 1993, 8; PCG 1993/94, 135

- h) da cusseglar il departament d'educaziun ed ils cussegl da scola en dumondas generalas pedagogicas e psicologicas da scola e d'educaziun;
- i) da collavurar sin il sector da la scolaziun e dal perfecziunament da las mussadras e da las personas d'instrucziun;
- k) da collavurar en connex cun experiments e cun projects da scola.

Art. 3

Organisaziun

¹ Il servetsch psicologic da scola è suttemess al departament d'educaziun, partizium per secturs da scola spezialas.

² El consista dal post central e dals posts regionalas da cussegliaziun da scola e d'educaziun.

³ Il territori dal chantun vegn repartì en regiuns da cussegliaziun. La determinaziun da las regiuns da cussegliaziun sa drizza per regla tenor ils circuls d'inspecturat. La repartiziun dal territori e la fixaziun dals lieus dals posts regionalas da scola e d'educaziun è chausa da la regenza.

Art. 4

Cussegladers da scola e d'educaziun communalas

¹ Il chantun paga contribuziuns vi da la salarisaziun dals cussegliaders da scola e d'educaziun che vegnan engaschads da las vischnancas, da las corporaziuns da vischnancas ubain dals circuls, sch'il basegn è cumprovà e sche las disposiziuns da l'ordinaziun preschenta vegnan applitgadas. Cussegladers da scola e d'educaziun en il senn da questa regulaziun èn suttemess professunalmain al servetsch psicologic da scola. Las contribuziuns chantunalas importan maximalmain la mesadad da la salarisaziun che correspunda al plan da classificaziun per ils emploiads e per ils funcziunaris chantunalas.

² Per che las regulaziuns tenor l'alineia 1 sajan valaivlas, ston ellas vegnir acceptadas da la regenza.

Art. 5

Elegibladad a) direcziun

Per manar il servetsch psicologic da scola è elegibel tgi che dispona d'ina scolaziun academica terminada en psicologia u en pedagogia speziala e tgi che dispona d'experiencia pedagogica e da cussegliaziun d'educaziun sco era dad abilitads administrativas ed organisatoricas.

Art. 6

b) cussegliaders da scola e d'educaziun

Sco cussegliaders da scola e d'educaziun èn elegibels:

- a) tgi che dispona d'ina scolaziun academica terminada en psicologia u pedagogia speziala e tgi che dispona sche pussaivel tant d'experiencia da scola sco era d'ina scolaziun supplementara sin il sector da la cussegliaziun d'educaziun;
- b) tgi che è en possess d'in attestat final d'in seminari svizzer per pedagogia curativa u d'in attestat equivalent e tgi che po cumprovar

ina scolaziun supplementara sin il sector da la cussegliaziun d'educaziun.

Art. 7

Il departament po consultar spezialists per incumbensas spezialas.

Consultaziun da spezialists

Art. 8

Ils cussegliaders da scola e d'educaziun èn obligads da sa perfecziunar professiunalmain.

Perfecziunament

Art. 9

¹ En il rom da sias examinaziuns e cussegliaziuns è il persunal dal servetsch psicologic da scola suttaless a la discreziun professiunala tenor l'artitgel 45 da l'ordinaziun dal persunal. ¹⁾

Discreziun professiunala

² En cas da suspect motivà per in fatg penal è la direcziun dal servetsch psicologic da scola autorisada da denunziar.

Art. 10

Il servetsch psicologic da scola collavura fitg intensivamain cun ils geniturs, cun las mussadras, cun las persunas d'instrucziun, cun ils inspecturats da scola e da scolina, cun las cumissiuns da scolina e cun ils cussegls da scola, cun ils servetschs psichiatics per uffants e per giuvenils, cun ils medis, cun ils servetschs socials, cun il servetsch da pedagogia curativa e cun sumegliantas instituziuns.

Collavuraziun

Art. 11

¹ Sch'i vegn fatg diever dal servetsch psicologic da scola, ston las annunzias vegnir drizzadas als posts regional per la cussegliaziun da scola e d'educaziun.

Annunzia

² ²⁾ Autorisads d'annunziar uffants e giuvenils èn la mamma, il bab, las persunas d'instrucziun, las mussadras, ils inspecturats da scola e da scolina, la cumissiun da scolina ed ils cussegls da scola, las autoritads per la protecziun d'uffants sco er ils servetschs socials, ils medis, ils servetschs psichiatics per uffants e per giuvenils e servetschs da pedagogia curativa.

³ L'annunzia dovra il consentiment d'in represchentant legal da l'uffant.

¹⁾ DG 170.400

²⁾ versiun tenor l'ordinaziun davart l'adattaziun d'ordinaziuns dal cussegl grond a la revisiun parziala dal cudesch civil svizzer; mess en vigur cun CR dals 11 da december 2012 per il 1. da schaner 2013

Art. 12 ¹⁾

Custs

L'examinaziun e la cussegliaziun psicologica da scola è gratuita per las persunas cun la pussanza dals geniturs. Las vischnancas sa participeschan als custs dal servetsch psicologic da scola cun ina contribuziun da 20 francs per scolara u per scolar respectivamain per uffant da scolina.

Art. 13

Entrada en vigur

La regenza fixescha il termin da l'entrada en vigur ²⁾ da questa ordinaziun.

Art. 14Aboliziun dal
dretg vertent

Questa ordinaziun remplazza l'ordinaziun cun il medem num dals 28 da november 1968 ³⁾.

¹⁾ versiun tenor CCG dals 26 d'avust 2003; M dals 11 da mars 2003 pertutgant l'examinaziun da las structuras e da las prestaziuns per sanar las finanzas dal chantun, 3; PCG 2003/2004, 252; entra en vigur il 1. da mars 2004

²⁾ messa en vigur cun CR dals 6 d'avust 1993 per il 1. da schaner 1994

³⁾ CUL 1970, 279